



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In tabulam Visitationis Elisabeth. Ode Tricolos Tetrastrophos. XXXVI.

**urn:nbn:de:hbz:466:1-44973**

Atque vbi summi didicit parentis  
 Montem, & occultas operantis almi  
 Spiritus vires, seriem, modosque  
 Audiit ardens;  
 Nil moror, dixit, Domine o colendum  
 Gentibus nomen, tibi me tuisque  
 Protinus certam tenuisse dictis  
 Annue felix.

## RER. NOVANDAR. EXEMP.

Quis sic Virgo Deum proprium tibi, sicque benignum  
 Praestitit? eximia in simplicitate fides.

## DEO ELECTORI SACR.

In tabulam Visitationis Elisabeth.

## Ode Tricolos Tetraastrophos. XXXVI.

**V**T vultus rosae virginis aureos  
 Vxor Leuitici Pontificis videt,  
 Segni cuius in aluo  
 Vatum flos later abditus;  
 Vires aetherei pectore flaminis  
 Persentit placidis vocibus excita,  
 Pacemque hospitis almae  
 Gratis laudibus excipit.  
 Quae tam fausta mihi munera numinis  
 Vltro, non meritis hospitium Dei  
 Adduxere parentem,  
 Dignam caelicolum domo?  
 Ergo sacra tuam diua modestiam  
 Auget tanta etiam gloria? cui scio  
 Nullam in matribus esse,  
 Nullam in virginibus parem.  
 Nempe immensa Dei pignora talibus  
 Consistunt potius sedibus, inuidas  
 Aversata potentum,  
 Magnatumque superbias.  
 Nam quod tu facili pondere perferas,  
 Quem nec sustineant sidera, nec queant  
 Percepisse patenti  
 Mundi moenia cardines,

Efficit

Efficit va  
 Cont  
 Semp  
 Conf  
 Agnoscur  
 Testa  
 Valle  
 Quoc  
 Quin ips  
 Gratu  
 Aluo  
 Et m  
 P  
 Gaudia, d  
 Esse c  
 FEM

Carm

**A** Stru  
 Fu  
 Solis  
 Terri  
 Hunc in  
 Exfa  
 Mirar  
 Mirar  
 Salutis fe  
 Lato  
 Et te  
 Magn  
 Vos quae  
 Matre  
 Infan  
 Laudi  
 Nec com  
 Quan  
 Affue  
 Jam

Effecit vacuum fastibus & dolo,  
Contemnensque sui pectus, & ignea  
Semper docta, superno  
Consentire fides Patri.

Agnoscent vtero quem foueas tuo,  
Testanturque nouis vocibus omnia,  
Valles, flumina, siluæ,  
Quocunque extuleris pedem.

Quia ipse officij muneribus tui  
Gratus lætitiæ personuit piam  
Aluo quem gero foetus,  
Et mentem cumulat mihi.

## PIETATIS CONCORDIA.

Gaudia, diuitiasque Dei communia multis  
Esse cupit, quisquis numinis instar habet.

FEMINAR. SANCTISSIMAE P.

In tabulam Ioannis Baptistæ.

*Carmen Diclon Tetraastrophon. XXXVII.*

Astrum nascitur insito  
Fulgens lumine, quem Deus  
Solis paciferi indicem  
Terris præstitit almus.

Hunc in montibus arduis  
Exsanguis in senio parens,  
Mirandis puerum & modis,  
Mirando edidit ortu.

Salutis ferat ut nouæ  
Læto tempore nuntium,  
Et testis bona gratiæ  
Magnæ sæcula monstret.

Vos quæ diligitis Deum  
Matres, vos quoque virgines  
Infanti properè nouo  
Laudum nectite ferta.

Nec componite mollius,  
Quamuis membra tenerrima,  
Assuescat, finite, aspero  
Iam nunc vita labori.

AVRO